



Қазақстан Республикасының аумағында жұмыс істейтін радиосәуле шығаратын құралдардың деректерін есепке алудың бірыңғай жүйесін құру бағдарламасын бекіту туралы

Қазақстан Республикасы Үкіметінің қаулысы 2002 жылғы 26 қаңтар N 114

Қазақстан Республикасы Президентінің 2000 жылғы 14 наурыздағы N 359 U000359_ Жарлығымен бекітілген Қазақстан Республикасының ақпараттық қауіпсіздігін қамтамасыз етудің 2000-2003 жылдарға арналған мемлекеттік бағдарламасын іске асыру жөніндегі іс-шаралар жоспарына сәйкес Қазақстан Республикасының Үкіметі қаулы етеді:

1. Қоса беріліп отырған Қазақстан Республикасының аумағында жұмыс істейтін Радиосәуле шығаратын құралдардың деректерін есепке алудың бірыңғай жүйесін құру бағдарламасы бекітілсін.
2. Осы қаулының орындалуын бақылау Қазақстан Республикасының Көлік және коммуникациялар министрлігіне жүктелсін.
3. Осы қаулы қол қойылған сәтінен бастап күшіне енеді және жариялануға тиіс.

Қазақстан Республикасының
Премьер-Министрі

Қазақстан Республикасы
Үкіметінің
2002 жылғы 26 қаңтардағы
N 114 қаулысымен
бекітілген

Қазақстан Республикасының аумағында жұмыс істейтін радиосәуле шығаратын құралдардың деректерін есепке алудың бірыңғай жүйесін құру
БАҒДАРЛАМАСЫ

1. Бағдарламаның паспорты

Атауы

Қазақстан Республикасының аумағында жұмыс істейтін радиосәуле шығаратын құралдардың деректерін есепке алудың бірыңғай жүйесін құру бағдарламасы.

Әзірлеу үшін негіз

Қазақстан Республикасы Президентінің "Қазақстан Республикасының ақпараттық қауіпсіздігін қамтамасыз етудің 2000-2003 жылдарға арналған мемлекеттік бағдарламасы туралы" 2000 жылғы 14 наурыздағы N 359

U000359_

Жарлығы.

Бағдарламаның мақсаты

Республика аумағында жұмыс істейтін радиосәуле шығарушы құралдардың деректерін есепке алудың бірыңғай жүйесін құру.

Бағдарламаның міндеттері

Мынадай:

- 1) радиоэлектрондық құралдардың және жоғары жиілікті құрылғылардың иелері (радиожиілік спектрін пайдаланушылар) жөніндегі деректерді есепке алу;
- 2) осы радиоэлектрондық құралдарға және жоғары жиілікті құрылғыларға бекітілген радиожиіліктерді есепке алу;
- 3) радиоэлектрондық құралдарды және жоғары жиілікті құрылғыларды, сондай-ақ олардың техникалық параметрлерін есепке алу;
- 4) бағдарламалық-аппараттық деректер қорына деректерді енгізуді автоматтандыру;
- 5) жиынтық есеп берулерді және кестелерді құру міндеттерін шешу үшін республика аумағында жұмыс істейтін радиосәуле шығаратын құралдардың дерекқорын есепке алудың бірыңғай жүйесін құру.

Қаржыландыру көзі және көлемі

Бағдарламаны қаржыландыру N 44 "Радиожиілік спектр және радиоэлектрондық құралдардың мониторинг жүйесін құру" бағдарламасы бойынша 2003 жылы бөлінуі белгіленген 57,5 миллион теңге сомасына республикалық бюджет қаражаты есебінен және шегінде көзделеді. 2002 жылы Бағдарламаны орындау жөніндегі іс-шаралар

шығындарды

талап

етпейді.

Іске асыру мерзімі - 2002-2003 жылдар

Мемлекеттік тапсырыс беруші - бағдарламаның әкімшісі Қазақстан Республикасының Көлік және коммуникациялар министрлігі.

2 . К і р і с п е

Қазақстан Республикасы Президентінің "Қазақстан Республикасының ақпараттық қауіпсіздігін қамтамасыз етудің 2000-2003 жылдарға арналған мемлекеттік бағдарламасы туралы" 2000 жылғы 14 наурыздағы N 359 Жарлығы бағдарламаны әзірлеу үшін негіз болып табылады.

Қазақстан Республикасының аумағында жұмыс істейтін радиосәуле шығаратын құралдардың деректерін есепке алудың бірыңғай жүйесін құру бағдарламасы (бұдан әрі - Бағдарлама) Қазақстан Республикасы Президентінің 2000 жылғы 14 наурыздағы N 359 Жарлығымен бекітілген Қазақстан Республикасының ақпараттық қауіпсіздігін қамтамасыз етудің 2000-2003 жылдарға арналған мемлекеттік бағдарламасын іске асыру жөніндегі іс-шаралар жоспарының 1.5-тармағына сәйкес әзірленді.

Телекоммуникациялық қызмет көрсету рыногы қарқынды дамуы Қазақстан Республикасының аумағында радиожилік спектрін (бұдан әрі - РЖС) пайдаланушы алуан түрлі радиоэлектрондық жүйелердің пайда болуына әкеп соқты.

Қазіргі дүниеде дамыған телекоммуникациялық инфрақұрылым ұлттық экономиканың қалыпты жұмыс істеуін анықтайды. Телекоммуникациялық ресурстар мемлекеттің маңызды экономикалық, әскери және саяси қуаты болып табылады. Сондықтан да коммуникациялар мен радиожилік спектрін қорғау мемлекет қызметінің аса маңызды саласы болып табылады.

Көрсетілген мемлекеттік ресурстардың ұлттық қорғау жүйесін жетілдіру және нығайту ақпараттық қауіпсіздікті қамтамасыз етудің бір қыры болып табылады. Олардың жеткілікті түрде қорғалмауы маңызды саяси, экономикалық, ғылыми-техникалық ақпараттың орны толмайтын шығынына әкеліп соғуы мүмкін.

3. Мәселенің қазіргі жай-күйін талдау

Қазіргі уақытта Қазақстан Республикасында түрлі мақсаттар үшін 3 кГц-тен бастап 400-ГГц-ке дейінгі диапазондағы радиожиліктер пайдаланылады.

Өткізгіш және талшықты-оптикалық байланыс желілерін салудың және пайдаланудың салыстырмалы жоғары құны, байланыс жүйелерінің ұтқырлығына күшейіп отырған талаптар, қазіргі заманғы радиоэлектрондық құралдар (бұдан әрі -

РЭҚ) мен жоғары жиілікті құрылғылардың (бұдан әрі - ЖЖҚ) техникалық сипаттамаларының жақсаруы, сондай-ақ басқа да факторлар әртүрлі мақсаттағы радиобайланыс жүйелерін қолдану саласының қарқыны кеңеюін туындатады.

Телекоммуникациялық қызмет көрсету рыногы қарқынды дамып келе жатқан, ведомстволық, өндірістік және басқа да мақсаттағы байланыс құралдары белсенді қолданылып отырған жағдайда РЖС-ті, РЖС-тің әртүрлі диапазондарында жұмыс істейтін радиоэлектрондық құралдар мен жоғары жиілікті құрылғыларды, сондай-ақ осы РЭҚ пен ЖЖҚ-ны пайдаланатын Қазақстан Республикасының аумағындағы заңды және жеке тұлғаларды толыққанды есепке алудың бірыңғай жүйесін құру қажет.

Қазіргі уақытқа дейін Қазақстан Республикасында РЖС жекелеген ауқымдарының ескірген деректер қоры мен қағаз ақпарат көздеріндегі деректер пайдаланылады, осыған байланысты жұмыс істейтін радиоэлектрондық құралдарды қадағалау, радиокедергілер көздерін анықтау радиоэлектрондық құралдардың мәлімдеген параметрлерінің іс жүзіндегісімен сәйкестігін тексеру өте қиын. Осының салдарынан радиожіілік спектрін уәкілетті органға, мұның өзі, оны бақылаусыз пайдалануға және белгіленген төлемдердің республикалық бюджетке толық түспеуіне әкеледі.

Істің мұндай жай-күйі мемлекеттің ақпараттық қауіпсіздігіне елеулі қатер төндіреді.

Проблеманы шешуге радиосәуле шығарушы құралдардың деректерін есепке алудың бірыңғай жүйесін құруды көздейтін кешенді мақсатты бағдарламаны қабылдау және осы негізде Қазақстан Республикасының аумағында радиожіілік спектрін пайдалануға талдау жүргізу септігін тигізеді.

Бүкіл радиосәуле шығаратын құралдарын есепке қою мәселесіне арналған зерттеулерді талдау, оны тиімді шешудің маңызды шарты берілген өлшемдерге сәйкес ақпаратты алу, өңдеу, сақтау және беру процестерінің негізгі кезеңдерін ескеретін жан-жақты көзқарас қажет екенін көрсетеді.

4. Бағдарламаның мақсаты мен міндеттері

Бағдарламаның мақсаты Республика аумағында жұмыс істейтін радиосәуле шығарушы құралдардың деректерін есепке алудың бірыңғай жүйесін құру болып т а б ы л а д ы .

Көрсетілген мақсатқа жету үшін мәселе қою шешімдерін дайындау, жобалық жұмыстарды жүргізу, деректер қорының қисынды құрылымын және бағдарламалық қамтамасыз етуін әзірлеу, оны тәжірибелік пайдалану және радиосәуле шығарушы құралдардың бағдарламалық-аппараттық деректер қорын орнату көзделеді.

Бағдарламаны іске асыру мынадай міндеттерді шешуге бағытталады:

РЭҚ мен ЖЖҚ иелерін (РЧС пайдаланушылар) есепке алу,
осы РЭҚ мен ЖЖҚ-ға бекітілген радиожііліктерді есепке алу,

РЭҚ мен ЖЖҚ, сондай-ақ олардың техникалық параметрлерін есепке алу, барлық деректерді енгізуді автоматтандыру, жиынтық есептер мен кестелерді жасау.

5. Бағдарламаның негізгі бағыттары мен іске асыру тетігі

1. РЖС пайдалану саласындағы қазіргі бағдарламалық-аппараттық құралдарды, РЭҚ электромагниттік үйлесімділігі және пайдаланыстағы РЭҚ пен ЖЖҚ-ны есепке а л у д ы т а л д а у .

2. Қазақстан Республикасының аумағында жұмыс істейтін радиосәуле шығаратын құралдардың аппараттық-бағдарламалық деректер қорын әзірлеу жөніндегі ғылыми-зерттеу және тәжірибелік-конструкторлық жұмыстарды жүргізу.

Бағдарламаны іске асыру тиісті техникалық тапсырма жобасын орындауға арналған мемлекеттік тапсырыс негізінде жүзеге асырылады.

Бұл ретте Бағдарламаның әкімшілері осы тараудың 1-тармағы бойынша жұмысты қамтамасыз етеді, ал конкурстық іріктеуден өткен ұйым осы тараудың 2 тармағы бойынша жұмысты қамтамасыз етеді.

Негізгі кезеңдері :

1) қазіргі бағдарламалық-аппараттық құралдарға талдау жүргізу және "Қазақстан Республикасының аумағында жұмыс істейтін радиосәуле шығарушы құралдардың деректерін есепке алудың бірыңғай аппараттық-бағдарламалық жүйесін құру" техникалық тапсырмасын әзірлеу;

2) заңнамаға сәйкес Бағдарлама тапсырмаларын орындауға конкурстар өткізу, конкурстық негізде жобаны орындаушыны анықтау. Радиосәуле шығаратын құралдардың деректерін есепке алудың құрылған аппараттық-бағдарламалық жүйесіне міндетті мемлекеттік ғылыми-техникалық сараптама;

3) Бағдарлама тапсырмаларын орындауды үйлестіру және ағымдағы бақылау;

4) аралық және қорытынды жауаптарды даярлау;

5) нәтижелерін мемлекеттік қабылдау.

6. Қажетті ресурстар және қаржыландыру көздері

Бағдарламаны қаржыландыру N 44 "Радиожилілік спектр және

радиоэлектрондық құралдардың мониторинг жүйесін құру" бағдарламасы бойынша республикалық бюджетте көзделген қаражат есебінен және шегінде 57,5 миллион теңге сомасында жүзеге асырылады. Осы тапсырыс шегінде 2003 жылы республикалық және аймақтық дерекқорлар құру жоспарланып отыр. 2002 жылы Бағдарламаны орындау жөніндегі іс-шаралар шығындарды талап етпейді.

7. Бағдарламаны іске асырудан күтілетін нәтижелер

Бағдарламаны орындаудан күтілетін нәтижелер мыналар:

- 1) Республика аумағында жұмыс істейтін радиосәуле шығарушы құралдардың деректерін есепке алу жүйесі жөніндегі нормативтік әдістемелік қоры;
- 2) Қазақстан Республикасының аумағында жұмыс істейтін радиосәуле шығаратын құралдардың аппараттық-бағдарламалық дерек қоры;
- 3) 3 кГц-тен бастап 400 ГГц-ке дейінгі жиіліктер диапазонында Қазақстан Республикасының радиоқызметтері арасындағы жиілікте белдеуін бөлу кестесінің деректерін тұрақты жаңарту болып табылады.

8. Бағдарламаны іске асыру жөніндегі іс-шаралардың жоспары

№!	Іс-шаралар	! Аяқталу	! Орындауға	! Орындау
!	! нысаны	! жауапты	! мерзімі	

Ұйымдастырушылық іс-шаралары

-
- | | | | | |
|---|--|------------------|--|------------------------|
| 1 | РЖС пайдалану, РЭҚ электромаг. ниттік үйлесімділігін және пай. даланылатын РЭҚ және ЖЖҚ есепке алу саласындағы қазіргі бағдар. ламалық-аппараттық құралдарға талдау жүргізу | Есеп беру | Қазақстан Республикасының Көлік және коммуникациялар министрлігі | 2002 жылдың II тоқсаны |
| 2 | Радиожілік спектрін бөлуге қатысатын облыстық бөлімшелер. ден және басқа да министрліктер мен ведомстволардан радиосәуле. шығарушы құралдар туралы дерек. терді алу, өңдеу және беру тәртібін белгілеу | Бірлескен бұйрық | Қазақстан Республикасының Қорғаныс министрлігі | 2002 жылдың II тоқсаны |
| 3 | Деректерді жиіліктік қамта. масыз етуде тұрған барлық | Жиынтық деректер | Қазақстан Республикасының | 2002 жылдың III |
-

министрліктер мен ведомство.
лармен алып отырған жиіліктер
диапазонына және 2005 жылға
дейін пайдалануға жоспарланған
жиіліктер ауқымында жұмыстарды
жетілдіру. Жиынтық деректерді
бағдарлама әкімшілігіне беру

Көлік және тоқсаны
коммуникациялар
министрлігі
Қазақстан
Республикасының
Қорғаныс
министрлігі

4 "Қазақстан Республикасының аумағында жұмыс істейтін радио сәуле шығарушы құралдардың дерек қорларын есепке алудың бірыңғай аппараттық-бағдарламалық жүйесін әзірлеу" техникалық тапсырмасын жасау

Техникалық Қазақстан 2002
тапсырма Республикасының жылдың IV
Көлік және тоқсаны
коммуникациялар
министрлігі

5 "Қазақстан Республикасының аумағында жұмыс істейтін радио сәуле шығаратын құралдардың деректерін есепке алудың бірыңғай жүйесін құру" жобасын іріктеу жөніндегі конкурсты ұйымдастыру мен өткізу және орындаушыны белгілеу

Бұйрық, Қазақстан 2003
конкурстық Республикасының жылдың I
комиссия. Көлік және кварталы
ның коммуникациялар
министрлігі

6 "Қазақстан Республикасының аумағында жұмыс істейтін радио сәуле шығаратын құралдардың деректерін есепке алудың бірыңғай жүйесін құру" жобасын іске асыру жөніндегі есепті ұсыну және оны белгіленген тәртіппен қарау

Есеп Жобаны 2003 жыл
беру орындаушы

7 Деректерді есепке алудың бірыңғай жүйесін орнату және қолданысқа енгізу

Бірыңғай Қазақстан 2003 жыл
аппаратты- Республикасының
бағдарла. Көлік және
малық де. коммуникациялар
ректерді министрлігі

есепке
алу жүйесі

8 Үкіметтің 2000 жылғы 11 қыр. Қазақстан Қазақстан 2003 жыл
күйектегі N 1379 қаулысына Республ. Республикасының
"Қазақстан Республикасының қасы Көлік және
3 кГц 400 ГГц дейінгі жиілік Үкіметінің коммуникациялар
диапазонындағы радиоқызметтер қаулысы министрлігі
арасында жиіліктер жолағының
таралу кестесіне" жиілік
жолағын тарату бөлігінде
өзгерістер енгізу

9 Қазақстан Республикасының Дерек Қазақстан Тұрақты
аумағында жұмыс істейтін радио. қорға Республикасының
сәуле шығарушы құралдардың де. өзгерістер Көлік және
рекқорларын тұрақты жаңартып коммуникациялар
отыру министрлігі

Мамандар:

Багарова Ж.А.,
Қасымбеков Б.А.